



Մ Ա Յ Ր Ա Թ Ո Ռ Ո Ւ Մ

Նոյեմբերի 21-ին, Մայր Աթոռ Ս. Էջմիածին այցելեց Իտալիայի կուլտուրայի աշխատողների և «Իտալիա—ՍՍՌՄ» ընկերության ղեկավար գործիչների ղեկգացիան: Դեկգացիային Մայր Աթոռում ընդունեցին Մայր Աթոռի միաբանները: Տաճարի լուսարարապետ գերաշնորհ Տ. Վահան արքեպիսկոպոս Կոստանյանը հյուրերին առաջնորդեց Մայր Տաճար, ուր նրանք մանրամասն բացատրություններ լսեցին Տաճարի ճարտարապետական կառուցվածքի, ներսում գտնվող արժեքավոր եկեղեցական իրերի և Տաճարի ունիկոմ մանրամասնական արվեստի մասին:

Վերջում հյուրերը եղան Մայր Տաճարին կից եկեղեցա-հնագիտական թանգարանում, ուր տեսան հնադարյան եկեղեցական թանկարժեք իրեր ու լսեցին մանրամասն բացատրություններ:

Վանքի բակում ի հիշատակ իրենց այցելությանը Մայր Աթոռ, հյուրերը լուսանկարվեցին Մայր Աթոռի միաբանների հետ: Վերջում հյուրերը իրենց խորին գոհունակությունները հայտնեցին լավագույն ընդունելության համար և վերադարձան Նրևան:



Նույն օրը Մայր Աթոռ Ս. Էջմիածին ժամանեց նաև Գերմանա-սովետական բարեկամության ընկերության ղեկգացիան պարոն Արտլֆ ֆերբերի գլխավորությամբ: Դեկգացիայի կազմում կային գիտության, կուլտուրայի, արվեստի գործիչներ, ժուռնալիստներ, արդյունաբերական ձեռնարկությունների ղեկավարներ, ինժեներներ:

Հյուրերին ընդունեցին Մայր Աթոռի միաբանները: Մայր Տաճարը դիտելուց հետո,

հյուրերը եղան նաև Տաճարին կից եկեղեցա-հնագիտական թանգարանում, ուր շատ ղոհ մնացին ավագ լուսարար բարձրագույնիվ Տ. Գորգ վարդապետ Վաթյանի մանրամասն բացատրություններ լսելով:

Հյուրերը հետաքրքրվեցին հայ եկեղեցական երաժշտությամբ: Հոգևոր ճեմարանի երաժշտության դասախոս Հ. Գորգյանը հյուրերի ցանկությամբ կատարեց երգահոնի վրա սուրբ պատարագի արարողությունից մի քանի գեղեցիկ կտորներ: Հյուրերը իրենց հիացմունքը հայտնեցին լսելով հայկական եկեղեցական երաժշտության նմուշներ: Նրանք մեծ զարմանքով դիտեցին նաև հայկական նոտագրությունը, որի մասին ըստ պատշաճի նրանց բացատրություններ տրվեցին:

Վերջում հյուրերը Մայր Աթոռի միաբանությունից իրենց խորին շնորհակալությունները հայտնեցին լավագույն ընդունելության համար և վերադարձան Նրևան:



Նոյեմբերի 29-ին, կիրակի օրը, Մայր Տաճարում, ավագ սեղանի վրա մատուցվեց հանդիսավոր սուրբ պատարագ: Պատարագիչն էր գերաշնորհ Տ. Սահակ եպիսկոպոս Տեղ-Հովհաննիսյանը: Սուրբ պատարագի արարողություններից հետո Մայր Աթոռի միաբանությունը պարտ ու պատշաճ ղգեստավորված բոլորել էր Ս. Իշման սեղանը: Սուրբ պատարագից հետո, Ս. Իշման սեղանի առջև, Սովետական Հայաստանի 33-րդ տարեդարձի կապակցությամբ, կատարվեց կառավարական մաղթանքը: Հավիտ պատշաճի քարոզ խոսեց օրվա հանդիսադիր գերաշնորհ Տ. Սահակ եպիսկոպոսը:

